

Ilanngussaq B Imeqarfiit killeqarfiinut piomasagaatit

Qeqqata Kommuniata immikkoortortaanit ukiut ingerlanerini immikkut akuersissutit ASN-imillu akuersissutit tigussaasut malitsigisaatut imeqarfiit killeqarfii aqqusaarlugit ingerlasarnermi piomasagaatinik ilanngussami uteqqinneqarput.

1. *Sisimiuni imeqarfiup killeqarfiatigut aqqusinermik pilersitsinerlut ingerlatsinernullu immikkut akuersissut 2022-mi juunip 22-anneersoq*

Piomasagaatit

Nalinginnaasumik

1. Immikkut akuersissut Qinnuteqartumut tunniunneqartassaaq Naalackersuisoqarfimmiillu allanngortinneqarsinnaanngitsumik akuersissuteqartoqartinnagu allanut tunniunneqarsinnaanngilaq.

2. Immikkut akuersissut Sisimiunit Kangerluarsuk Tullermut aqqusinermik *ASN-imik akuersissummut taarsiutaanngilaq*. Taamaattumik immikkut akuersissut una ASN-imik akuerissummik attuumassutilittut isigineqassaaq taamaattumillu ilutigillugu Qinnuteqartoq immikkut akuersissummut ilaatillugu imeqarfiup killeqarfiani ATV-nut aqqummik aqqusinermillu sioraasumik pilersitsineq ingerlatsinerlu eqqarsaatigalugit ASN-imik akuersissummi piomasagaatinik malitsitsinissamut pisussaaffeqarpoq.

3. ATV-nut aqqummik aqqusinermillu sioraasumik pilersitsineq ingerlatsinerlu, imeqarfiup killeqarfiatigut aqquserngup ingerlaarfia pillugu nunap assinga ilanngullugu, qinnuteqarnermi paasissutissiissutit naapertorlugit pissaaq. Qinnuteqaatip ataanilu piomasagaatit allanneqartut akornanni nalornisoqartillugu naapertuuttoqanngitsillugulu ataani piomasagaatit allassimasut atuutissapput.

4. Imeqarfiup killeqarfiata iluani ATV-nut aqqummik aqqusinermillu sioraasumik pilersitsinerlut atatillugu ajutoornerusinnaasut/kuuttoornerusinnaasut ilanngullugit sulianut tamanut qinnuteqartoq tamakkiisumik akisussaaffeqarpoq. ATV-nut aqqummik aqqusinermillu sioraasumik ingerlatsinermi pisumi ajutoornerusinnaasunut/kuuttoornerusinnaasunllu atatillugu mingutsitsinerlut sunulluunniit suliaqarnissamut iluarsisuteqarnissamullu Qinnuteqartoq iliuseqartussaataallunilu akisussaaffeqarpoq. Naalackersuisoqarfik ersarissumik akuersissuteqartinnagu akisussaaffik allanut tunniunneqarsinnaanngilaq.

5. Suliniummik aallartitsisoqannginnerani Naalackersuisoqarfiup akuersissutigisassaanik upalungaarsimanermut pilersaarummik qinnuteqartoq suliaqassaaq. Pilersaarut ilaatigut imermik imerneqarsinnaasumik, upalungaarsimanermi atortunik, upalungaarsimanermi attaveqarfissanik il.il. ajutooqqanermi pilersuinissamut saaffissaliussaaq.

Atortulersuutit

6. Imeqarfiup killeqarfiani sanaatornermi maskiinanik sanaatornermilu qamutunik motoorilinnik sulisut (sanaatornerup ingerlanerani aammalu aqqusinermi atortulersuutininik aserfallatsaaliinissamut atatillugu) tamarmik uani immikkut akuersissummut piomasagaatinik ilisimanninissaat qinnuteqartup qulakkiissavaa.

7. Sanaatornermi maskiinat qamutillu motorillit imeqarfiup killeqarfianut ingerlanneqannginnerini ullut tamaasa hydraulikkiniik aamma/imaluunniit motorip uuliaanik erngarfiusinnaasunik misissorneqartassapput. Tamanna ATV-nut aqqummik aqqusinermillu sioraasumik pilersitsinerlut kiisalu siunissami aserfallatsaaliilluni suliaqarnissamut atatillugu atuuppoq.

8. Erngartoornerusinnaasut, kuuttoornerusinnaasut il.il. pinaveersaartinnissaanut iluarsaannissaanullu atortussanik pisariaqartunik (katersuiviit, atortussiassat milluaasut, assaanermut sakkut il.il.) tamatigut nassartarnissaq ilanngullugu ATV-nut aqqummik aqqusinermillu sioraasumik pilersitsinermut atatillugu mingutsitsineq pinngitsoorniarlugu upalungaarsuutit pisariaqartut qinnuteqartup qulakkiissavai.

9. Imaq imerneqarsinnaasumut pilersuinerulluunniit isumannaatsuunissaanut sunniutilimmik pisunik tamani Qinnuteqartoq nammineq suliniuteqarnermigut pinngitsoortitsinissamut suliniutinik pisariaqartunik isumaginnissaq pisullu kinguninngua Naalakkersuisoqarfimmi Kalaallit Nunaanni Uumasunut Nakorsaqaarfik Inuussutissalerinermullu Oqartussaaffik, Nukissiorfiit aamma Sisimiuni Nukissiorfinni ingerlatsinermut pisortamut nalunaaruteqassalluni.

10. Pisuni allani (tassalu imermik imigassamut pilersuinerulluunniit isumannaatsuunissaanut sunniuteqanngitsuusunik) assersuutigalugu sanaartornermi maskiinanit angallassissutinillu motoorilinnit erngartoornernik, kuuttoornernik assigisaanilluunniit ilaqartumik ulloq suliffiusoq naatinnagu Naalakkersuisoqarfik ilisimatinneqassaaq. Ilisimatitsissut erngartoornernik, kuuttoornernik il.il. suussusaanik annertussusaanillu (assersuutigalugu nunaminertami sunnerneqartumi kuuttoornernik annertussusaanik) pillugit paasissutissanik ilaqartinneqassaaq. Naalakkersuisoqarfik paasissutissat allat pillugit qinnuiginnissinnaavoq pissutaasorli paasineqarsinnaata iluarsineqarnissaatalu tungaanut aammalu mingutsitsisoqarnissamut navianartoqannginneranik Naalakkersuisoqarfimmit nalilerneqarnissaata tungaanut angallanneq inerteqqutiginnissinnaalluni.

11. Sanaartornermi maskiinanik orsersuineq inissiinerlu aallaavittut imeqarfiup killeqarfiata avataani pissaaq, taamaattorli takuuk *Sisimiunit Kangerluarsuk Tullerup tungaanut aqqusinermik ASN-imik akuersissummi* piumasagaat 20.

Ingerlatsineq

12. Imeqarfiup killeqarfiata iluani angallannerit suulluunniit takussutissiaq 1-imi illinerni nalunaaqutsikkani taamaallaat pisinnaapput.

13. Akuutissat, kemikaliat uulianillu tunisassiat kiisalu nassiussat ulorianaatillit avatangiisinut akornutaasinnaasut imeqarfiup killeqarfiata iluani assartoqqusaanatililu toqqortarineqassanngillat.

14. 13-imi piumasagaataasooq apeqquataatinnagu imeqarfiup killeqarfiata iluani orsussanik assartuisoqarsinnaavoq, taamaattorli tullinnguuttut atuutissapput:

- Orsussat orsussaasivinni CE-mik ilisarnaatilinni taamaallaat assartorneqassapput.
- Orsussaasiviit CE-mik ilisarnaatillit annerpaamik 20 literimik imaqortussuseqassapput.
- Orsussanik nammineq atugassanik taamaallaat nassartoqarsinnaavoq.
- Orsussaasiviit nappaaritsinneqassapput, matulluaqqallutik qamutillu motoorilimminngaanniit nakkaratarsinnaaneranut aalajangerneqarsimassapput aamma/imaluunniit isumannaarneqarsimassapput.
- Piumasagaammut qulaaniittumut naammassinnissinnaasumik amerlassutsinik orsussaasiviit taamaallaat nassarneqarsinnaapput, taamaattorli qamutip motoorillip orsussaasiviata imarisinnaasaata saniatigut annerpaamik 100 liter nassarneqarsinnaavoq.
- Tankbilinik angalaneq ilanngullugu orsussanik tuniniagassanngorlugit assartuussineq inerteqqutaavoq.

15. Imeqarfiup killeqarfiata iluani ATV-nut aqqummut aqqusinernullu sioraasumut angalanissamut tulluurtut qamutit motoorillit kisimik atorneqarsinnaapput. Taakku saniatigut ATV-nut aqqutip

aqquserngullu sioraasup nerutussusaata iluani isumannaatsumik qamutit motorillit imminut saneqqussinnaassapput.

16. Imeq imerneqarsinnaasumut pilersuinerulluunniit isumannaatsuunissaanut sunniutilimmik pisunik tamani Qinnuteqartoq nammineq suliniuteqarnermigut pinngitsoortitsinissamut suliniutinik pisariaqartunik isumaginnissaaq pisullu kinguninngua Naalackersuisoqarfimmi Kalaallit Nunaanni Uumasunut Nakorsaqaarfik Inuussutissalerinermullu Oqartussaaffik, Nukissiorfiit aamma Sisimiuni Nukissiorfinni ingerlatsinermut pisortamut nalunaaruteqassalluni.

17. Uuliakoornert kemikalianilluunniit erngartoornert sulluunniit nunaminertamit tamakkiisumik peerneqassapput ajutoornertullu kinguninngua Naalackersuisoqarfimmi Kalaallit Nunaanni Uumasunut Nakorsaqaarfik Inuussutissalerinermullu Oqartussaaffimmut, Nukissiorfinnut aammalu Sisimiuni Nukissiorfinni ingerlatsinermut pisortamut nalunaarutiginnittoqassalluni.

18. Imeqarfiup killeqarfiata iluani qamutit motoorillit ajutuussagaluarpata, sapinngisamik piaarnerpaamik peerneqassapput, taamaalilluni naasunik nunamillu mingutsitsisoqaranilu ajoqusiisoqassanani. Kommunalbestyrelsimit peqquneqareernerup kingorna qamutit motoorillit peerneqanngippata, piginnittumut namminermut akiligassanngorlugu akisussaaffinngorlugulu kommunalbestyrelsip nuutsissinnaavai.

19. Eqqagassat sulluunniit nassarneqartassapput pinngortitamullu qimaannaqqusaanatik.

20. Imeqarfiup tasitaata eqqaani aqqusineq ataasiinnarnik aqqutissanngorlugu saannerulersinneqassappat, qamutit motoorillit imminut akornusersuugatik saneqqussinnaaqqullugit, qinnuteqartoq angallanermut malittarisassanik pilersitsissaaq.

21. Imeqarfiup killeqarfiani appakaattarfimmit (Sisimiunit isigalugu) imeqarfiup tasia aqqusaarlugu Alanngorsuarmi sangusaartarfimmik (tulliuttuni takussutissiaq 1 naapertorlugu) aqqusinermik aqqusaarinnittoq sukkanerpaamik akunnermut 25 km ingerlaffigineqarsinnaaneramik allassimasumik allagartarsuarnik qinnuteqartoq inissiissaaq.

22. Tamatuma saniatigut kitaatungaani (Sisimiut) kangiatungaannullu sammivimmi (Kangerlussuaq) imeqarfiup killeqarfianut appakaaffissani, imeq imerneqarsinnaasup tasiani kiisalu Alanngorsuarmi sangusaartarfimmut biilnut inissiisarfimmi allagartarsuarnik qinnuteqartoq inissiissaaq, tassani ersarissumik allassimassalluni:

- Nunaminertami suut assartorneqassanngitsut/toqqortarineqassanngitsut, takuuk piumasaqaat 13.
- Immikkut akuersissummi uani piumasaqaammit 14-imit malitseqartuusumik piumasaqaatinik naapertuuttumik orsussamik taamaallaat assartuisoqarsinnaasoq.
- Nunaminertami eqqagassanik qimatsisoqaqqusaanngitsaq.
- Ajutoortoqarnermi aamma/imaluunniit uuliamik tunisassianik kuuttoornerni, imaluunniit kuuttoornermik imaluunniit ajutoornermik takunninnermi Qeqqata Kommunia/upalungaarsimanermut oqartussat attaveqarfigineqarnissaannut oqarasuaatip normua ulloq unnuarlu sianerfigineqarsinnaasoq. Allagartarsuit taakku Qinnuteqartumit aserfallatsaalineqassapput.

23. Nalunaaruteqarnermit kingusinnerpaamik ukiut sisamat qaangiunnerani atulersimanngippat immikkut akuersissut atorunnaassaaq.

2. *Sisimiut eqqaanni imeqarfiup killeqarfilerneqarneranut immikkut ittunik maleruagassat pillugit Namminersorlutik Oqartussat nalunaarutaat nr. 9, 30. april 2015-imeersoq*

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi kingusinnerusukkat allannguteqartinneqartumi § 28, imm. 3 naapertorlugu aalajangersarneqarpoq:

Siunertaa atorneqarfissaalu

§ 1. Nalunaarut Sisimiut eqqaanni imeqarfiup killeqarfiinut atuuppoq.

Imm. 2. Nalunaarutip siunertaraa Sisimiut eqqaanni imeqarfiusut mingutsinneqarsinnaanerisa killilersimaarniarneqarnissaa. Mingutsitsisoqaratarsinnaaneramik killilersimaarinninniarniq taanna pissaaq, imeqarfiup killeqarfiata iluani illersuinissamut killeqarfinnik immikkut ittunik pilersitsinikkut, aamma imeqarfiup killeqarfiata iluani sulianut ukununnga maleruagassiinikkut:

- 1) Sisoraatinik arpaneq.
- 2) Qamuterallannik sisorartartunullu illiniliutinik ingerlaarneq.
- 3) Alanngorsuarmi sisorartarfimmik ingerlatsineq.
- 4) Orsussamik assartuineq, toqqortaaneq atuinerlu.

Sisimiut eqqaanni imeqarfiup killeqarfiata iluani illersuinissamut killeqarfiit immikkut ittut

§ 2. Kuunniit tatsiniillu 30 meterit iluanni tatsit, kuuit sumiiffiillu immikkut ittumik illersuivittut killeqarfiupput. Sisimiut eqqaanni imeqarfiup killeqarfiani qamuteralannik ingerlaartarneq

§ 3. Taamaallaat sumiiffinni ukunani qamuteralannik ingerlaartoqarsinnaavoq:

1) Qamuteralannut illinerni 10 meterinik silissusilinni, tamatumunnga atugassatut nalunaaqutsersorneqarsimasuni.

2) Sungiusarnissamut immikkoortuni, tamatumunnga atugassatut nalunaaqutsersorneqarsimasuni.

Imm. 2. Kommunalbestyrelsi sumiiffinni imm. 1-imi taaneqartuni ersarissumik nalunaaqutsersuissaaq.

Qamuteralaat illerni sungiusarfiillu taamatut nalunaaqutsersuisoqariingippat atorneqassanngillat.

Imm. 3. Immikkut ittumik illersuiviusunut killeqarfiit iluanni ingerlaarnissaq sapinngisamik pinngitsoorniarneqassaaq.

Imm. 4. Qamuteralannut illiniliornermi immikkut ittumik illersuiviusunut killeqarfiit aqqusaarneqartariaqarpata, kommunalbestyrelsip aqqutissaq peqqissaartumik nalunaaqutsissavaa.

Imm. 5. Tatsini sikusimasuni ingerlaarneq taamaallaat pisinnaavoq, kommunalbestyrelsip misissuereernermit siku qajannaatsutut nalunaarutigisimappagu. Sisimiut eqqaanni imeqarfimmut killeqarfiup iluani sisorartartunut illiniliuutinik ingerlaartarneq

§ 4. Sisorartartunut illiniliuutinik ingerlaarneq taamaallaat pisinnaavoq, ilanngussaq 1-imi sisoraatiniik arpattartut illinissaattut imaluunniit qamuteralaat illinissaattut nalunaarsorneqarsimasuni, kiisalu Alanngorsuarmiittumi sisorartarfimmi.

Imm. 2. Sisoraatiniik arpattartut illerni imm. 1-imi taaneqartut sisorartartunut illiniliuutit atorlugit aatsaat suliarineqarsinnaapput, kommunalbestyrelsi sisoraatiniik arpattartut illineqarfissaannik ersarissumik nalunaaqutsersuisimappat.

Imm. 3. Tatsit sikuisigut sisorartartunuk illiniliuutinik aatsaat ingerlasoqarsinnaavoq, kommunalbestyrelsip misissuereernermini siku isumannaatsoq nalunaarutigisimappagu.

Imm. 4. Illiniliornermi immikkut ittumik illersuinissamut killeqarfiit aqqusaarneqarnissaat pisariaqarpat, kommunalbestyrelsi aqqutissamut ersarissumik nalunaaqutsersuissaaq.

Imm. 5. § 3-mi aalajangersakkat apeqqutaatinngit, sisoraatiniik ujakkaartartut illinissaat qamuteralaat atorlugit suliarineqassapput.

Alanngorsuarmi sisorartarfik

§ 5. Sisorartarfik pioreersoq massakkut atorneqarnermisut atorneqaannarsinnaavoq.

Sisorartarfik makkuninnga illutaqarlunilu atortulersuuteqarpoq:

1) Illu ataatsimoorussaq igaffilik, kiosk/cafeteriartalik aamma imaartakkamik perusersartarfilik (Inissisimaffia N66.56.360', W053.31.972').

2) Majuartaatip illuarartaa/aqutsiviup illuarartaa (Inissisimaffia N66.56.342', W053.31.888').

3) Piffissamik nalunaarsuisartunut illuaraq nr. 1 (Inissisimaffia N66.56.330', W053.31.998').

4) Illuaraq aallartarfittut atorneqartartoq nuuttagaq.

5) Containerit pingasut, taakku ilaat ataaseq sarfaliuummik orsussamullu tankimik imaqartoq.

6) Majuartaat innaallagissamik ingerlatilik arfineq marlunnik napparutitalik.

7) Sarfaliuut dieselimik ingerlatilik.

8) Illuaraq nuuttagaq kiisalu illuaqqat perusersartarfinnut ilassutaasut.

Imm. 2. Atortulersuutinik alliliisoqanngippat, atortulersuutinik pisariaqartumik iluarsartuussisoqartarsinnaavoq

Nalornisoqartillugu iluarsaassineq nutaamik sananermut nallersuunneqarsinnaasut annertutiginersoq Naalackersuisut aalajangissavaat.

Sisimiut eqqaanni imeqarfiup killeqarfiata iluani orsussamik assartuineq toqqortaateqarnerlu

§ 6. Orsussamik assartuineq toqqortaateqarnerlu taamaallaat pisinnaavoq orsussamut puussat CE-mik allagartallit atorlugit.

Imm. 2. Orsussamut puussat qamutininut ikillugit qamuteralaat imaluunniit qimmit atorlugit assartorneqartussat annerpaamik 20 literinik imaqqortussuseqarsinnaatitaapput.

Imm. 3. Orsussap qamutit, qamuteralannik imaluunniit qimminik uniarneqartut atorlugit assartorneqartussap annerpaaffissaa 100 literiuvoq.

Imm. 4. Imm. 2-mi aamma 3-mi aalajangersakkat apeqqutaatinnagit, orsussamik sisorartarfimmut assartuinermi orsussamut puussat CE-mik nalunaaqutsikkat atornerqartussat annerpaamik 250 literinik imaqqortussuseqarsinnaaapput. Sisorartarfimmut assartuinermi ataatsimi uulianik tunisassiat annerpaamik 800 literit nassarneqarsinnaatitaapput.

Imm. 5. Alangorsuarmi sisorartarfimmi orsussap toqqortaatigineqarsinnaasup annerpaaffissaa 1400 literiuvoq.

Nakkutilliineq

§ 7. Ingerlaarnermut illernit, sisoraatinik ujakkaarnermut illernit aamma qamuteralannik sungiusartarfiit nalunaaqutsersorneqarneri allangutsaalineqarnersut kommunalbestyrelsip nakkutigissavaa.

Imm. 2. Ingerlaarnermut illernit, sisoraatinik ujakkaarnermut illernit aamma qamuteralannik sungiusartarfiit suliarineqarnissaat, aamma § 3 aamma § 4-mi malittarisassat naapertorlugit nalunaaqutsersorneqarnissaat Naalakkersuisut nakkutigissavaat.

Atuutilersinneqarnera ikaarsaarnissamilu aalajangersakkat

§ 8. Nalunaarut atuutilissaaq 15. maj 2015.

3. *Sisimiunit Kangerluarsuk Tullermut aqqusinermik ASN-imik akuersissuteqarneq 22. juni 2022-meersoq*

”Immikkoortoq 4 Akuersissut piumasaqaatitalik

Kapitali ASN-imi akuersissummi piumasaqaatinik imaqarpoq. Kapitali nalinginnaasumik piumasaqaatinut, sanaartornermut ingerlatsinermullu piumasaqaatinut matusinermullu piumasaqaatinut agguataarneqarpoq. Kapitali 5-imi piumasaqaatit tunngavilersorneqarput.

ASN-imik akuerissummi matumani piumasaqaataasunik malitsitsinissamik Nunalerinerimut, Imminut Pilersornermut, Nukissiutinut Avatangiisinullu Naalakkersuisoqarfik nakkutilliisuvoq.

ASN-imik akuersissut ASN-imik nassuiaammi allaaserineqartuusut taamaallat suliniummi atortunik ingerlatsinermillu ilaqarpoq. (Aasivissuit - Tasersuup akornanni hotellinik, illuaqqanik, aqqusineq aqqusinermik allamik aqqusaarisoq ilanngullugit) suliasat akuerisaasut saniata avataani inissimasunik allannguisoqassappat, tamanna pitinnagu Nunalerinerimut, Imminut Pilersornermut, Nukissiutinut Avatangiisinullu Naalakkersuisoqarfimmut qinnuteqartoqassaaq. Allanguutinut attuumassuteqarsinnaasunik pilersarusiornermi allattugaatinik nutartikkanik atortussallu allat Nunalerinerimut, Imminut Pilersornermut, Nukissiutinut Avatangiisinullu Naalakkersuisoqarfimmut nassiuqqartassapput, tamatuma kingorna allannguutit akuersissutigineqartussaataansut pillugit nalilersoneqassapput. Allannguutit oqartussat allaganngorlugu akuersissuteqartinnagit aallartinneqassanngillat.”

"4.1 Atortulersuutitut piomasagaatit

Avatangiisinut pilersaarut

1. Sanaartornermut suliaasat aallartinneqartinnagit, suliniutaasumut avatangiisinut pilersaarummik Qeqqata Kommunia suliaqassaaq. Avatangiisinut pilersaarutip makku nassuiaasavai:

a) Toqqortaqaarnermut pissutsit malitassanullu pissutsit ilanngullugit ajutoornermut kuuttoornermullu atatillugu pingitsuuitsiniarnermik mingutsitsisinaanerullu killilersornissaanut aallartinneqartussat ilanngullugit uuliakut, kemikalianik akuutissanillu avatangiisinut akornutaasinnaasunik kuutsitsinermit malitassanut pissutsit. Malitassanut pissutsit nalinginnaasut saniatigut avatangiisitigut pilersaarut imeqarfiup tasianut (takussutissiat 3 aamma 4 naapertorlugit) qaninnerpaami ingerlaarfimmi ajutoorsinnaanermut kuuttoorsinnaanermullu malitassanik pissutsinik tullerriiarinnissaaq.

b) Upalungaarsimanermut suliniut, imermik imerneqarsinnaasumik aamma/imaluunniit pilersuinermit isumannaassutsimik navianartorsiortitsisumik ajutoornermi kuuttoornermiluunniit ingerlaannartumik iliuuseqarnissamut qulakkeerinnittoq. Suliniutit ASN-imik akuersissummi uani piomasagaatini 43-ni malinnittuusunik, pissutsinik assingusunik saaffiginnittuusaaq.

c) Taanna pillugu ASN-imik nassuiaatip paasisutissartaanik naapertuuttumik uuliakunik/kemikalianik/akuutissanik avatangiisinut ajoqutaasinnaasunik kuuttoorsinnaanermut aniasoorsinnaanermullu navianaateqartuni.

d) Sanaartornerup ingerlanerani orsussaq, uuliakut, kemikaliat, eqqakkat imermillu errortuutikumik kuutsitsineq ilanngullugit akuutissanik avatangiisinut ulorianaatilinnik suliaqarnissamut pilersaarut. Piomasagaatinik 17-29 naapertuuttumik suliaqarneq pilersaarutip qulakkiissavaa.

e) Sanaartornerit piffissaasa akornanni entreprenørinut maskiinanik atortullu sinnerinik inissiineq paarinninnerlu.

f) Inissisimaffik ilanngullugu ujaqqanut aserorterut atorneqarnissaa kissaatigineqarpat kiisalu *Namminersornerullutik Oqartussat nalunaarutaat nr. 11, 20. august 2004-meersoq Suliffeqarfiit mingutsitsivallaartut il.il.* avatangiisinut tunngatillugu akuersissuteqarfigineqartarnerat pillugu malittarisassanik naammassinnittunik atortulersuut qanoq atorneqarnissaa, tassani atortulersuut ilanngussaq 1-imi *-mik ilisarnaasigaalluni.

g) Suliniummi suleqataasunut tammaarsimaaviusinnaasumik inissiineq (imeqarfiup killeqarfiata avataani taamaallaat pisinnaavoq). Avatangiisinut pilersaarut Nunalerinermit, Imminut Pilersornermit, Nukisiutinut Avatangiisinullu Naalackersuisoqarfimmit akuerisassanngorlugi nassiuqqassaaq. Naalackersuisoqarfik avatangiisinut pilersaarummik akuersissuteqartinnagu sanaartornermik suliaasat aallartinneqassanngillat.

Aqqusinniorneq

2. ATV-nut aqqummik sanaartorneq pilersinnagu Nunalerinermit, Imminut Pilersornermit, Nukisiutinut Avatangiisinullu Naalackersuisoqarfimmut ATV-nut aqqummut inaarutaasumut pilersaarummik makkuninnga allassimasortalimmik sanaartortitsisoq saqqumiussaaqassaaq:

a) ATV-nut aqqummik pilersitsinissamut atortussanik piiiasinnaanermut immikkoortoq.

b) Sanguffiusinnaasut kaajallattarfiusinnaasullu inissisimaffiat.

c) Imeq imerneqarsinnaasup tasia sinerlugu isumannaatsumik sanioqquttoqarsinnaanngippat, tassunga angallannikkut malittarisassiorneq inissisimaneralu allaaserineqassapput, takuuk *Sisimiuni imeqarfiup killeqarfia aqqusaarlugu aqqusinermik pilersitsinermut ingerlatsinermullu immikkut akuersissummi* piumasaqaat 15.

d) Suliniutit taakku sumi qanorlu ingerlanneqarnerinik allassimasumik pisuusummik ataqatigiilersitsilluni qulakkeerinnittumik suliniut. Taanna roojorit ataatigoortitsinermik il.il. ilaqarpoq.

e) Imeq imerneqartussap tasertaanut toqqaannartumik akuutissanik avatangiisinut ulorianarsinnaasunik (uuliakut, kemikaliat il.il.) kuutsitsisinnaaneq pinngitsoortinneqarnissaa siunertaralugu imeq imerneqartussap tasertaanut kuuffiusinnaasumik ATV-nut aqqummi aqqusaarfissartaa qanoq pilersinneqassanersoq.

f) Alanngorsuarmi sangusaartarfimmut attuumaassutilinnik biilinu inissiisarnermut nunaminertanik inissiineq ilusilersuinerlu.

ATV-nut aqqummut pilersaarut Nunalerinermut, Imminut Pilersornermut, Nukissiutinu Avatangiisinullu Naalakkersuisoqarfimmit akuerineqartinnagu, ATV-nut aqqummik sanaartorneq aallartinneqassanngilaq.

3. Aqqusinermik sioraasumik sanaartortoqartinnagu aqquserngup ingerlaarfianik inaarutaasumut pilersaarummik Nunalerinermut, Imminut Pilersornermut, Nukissiutinu Avatangiisinullu Naalakkersuisoqarfimmit makkuninnga allassimasortalimmik sanaartortitsisumit aqqummiiffiqineqassaaq:

a) Aqqusinermut allequtsiussamik aqqusinermullu toqqavimmik inissiinermik allaaserinninneq.

b) Sanguffiusinnaasut kaajallattarfiusinnaasullu inissisimaffiat.

c) Aqqusineq uani marlunnut ingerlaffissalerlugu pilersinneqarsinnaassanngippat aqqutissaq saattoq pissutaalluni aqqummut ataasiinnarmut annikillisinneqartup (imeq imerneqarsinnaasup tasiani) aqquserngup ingerlaarfiata silataani angallannermi malittarisanik allaaserinninneq inissiinerlu, takuuk *Sisimiuni imeqarfiup killeqarfia aqqusaarlugu aqqusinermik pilersitsinermut ingerlatsinermullu immikkut akuersissummi* piumasaqaat 15.

d) Atortunik (qaqqajunnamik bartimik/sioqqat/issormik il.il.) nunanngortitatut inissitanullu nunaminertanik allaaserinninneq, nunaminertanut taakkununga utaqqiissaasumik ataavartumillu aqqusiniusinnaasut ilanngullugit.

e) Ujaqqanik qaartiternerlukunik sinnerussinnaasunik qaartiterinermik suliassanut toqqorterinermullu pisariaqartitsinermut nunaminertat.

f) Suliniutit taakku sumi qanorlu ingerlanneqarnerinik allassimasumik pisuusummik ataqatigiilersitsilluni qulakkeerinnittumik suliniut. Taanna roojorit ataatigoortitsinermik il.il. ilaqarpoq.

g) Imeq imerneqartussap tasertaanut toqqaannartumik akuutissanik avatangiisinut ulorianarsinnaasunik (uuliakut, kemikaliat il.il. ilanngullugit) kuutsitsisinnaaneq

pinngitsoortinneqarnissaa siunertaralugu imeq imerneqartussap tasertaanut kuuffiusinnaasumik aqquserngup aqqusaarfissartaa qanoq pilersinneqassanersoq.

h) Erngup imerneqarsinnaasup tasertaani qaninnerpaamiittumik aqquserngup ingerlaarfiata ilaani aputaajaasarnissamut aputinillu inissiisarnissamut pilersaarut, taamaalilluni akuutissanik (uuliakunik, kemikaliallu il.il.) avatangiisinut navianaateqarsinnaasunik tatsimut pisoqannginnissaa qulakkeerneqarluni.

i) Kuussineq katersuuffiusumi akornuteqanngitsumik imeq kuussinanaassamat kuussinerup katersuuffiusup atuuffiata qanoq isumannaarnissaanik allaaserinninneq ilanngullugu erngup imerneqarsinnaasup tasiarit kuuffissamut kuussinerup katersuuffiusumit kuutsitsineq kiisalu erngup imerneqarsinnaasup tasiata qaninnerpaaffianit aqqusineq sinerlugu kuussinerup katersuuffiusup qanoq issusaanik atuuffianillu ukiumoortumik nakkutilliinermut pilersaarut.

Aqqusinerup sioraasumut pilersaarut Naalakkersuisoqarfimmit akuerineqartinnagu aqqusinerup sioraasumik sanaartorneq aallartinneqassanngilaq.

4. Aqqusineq (ATV-nut aqqut aqqusinerlu sioraasoq) ima sanaartorneqassapput, angallannermit uuliakunik, kemikaliantit orsusanilluunniit kuuttoornerit erngup imerneqarsinnaasup tasiarit sunniissanatik eqitsit 1-imi takutinneqartutut sanarfinermut periutsit malissallugit.

5. Erngup imerneqarsinnaasup tasia sinerlugu aqqusineq (ATV-nut aqqut aqqusinerlu sioraasoq) takussutissiaq 5-imi naapertuuttumik pilersinneqassapput.

6. Qaartiterinermut ANFO atorneqaaqusaanngillat.

7. Erngup imerneqarsinnaasup tasiarit 300 meterimik qaninnerusup iluani qaartiterisoqaaqusaanngilaq.

8. Imeqarfiup killeqarfiata iluani qaartitsinerit assiaqutilerlugit milluaaserlugillu qaartinneqartassapput.

9. Nunami pissutsit akornusersorneqannginnissaat qulakkeerneqassaaq. Aqquserngup pilersinneqareernerata kingorna sumiiffinni aqquserngup qaavani imeq sinneruttup kuussinanaerata ajunngitsuunissaa aammattaaq qulakkeerneqassaaq. Tamanna assersuutigalugu aqquserngup ataatigit roojorit ingerlaarfiinik pilersitsinikkut pisinnaavoq aammalu aqquserngup kuuffigisaatigit imeq nunap qaavatigit kooqqissinnaanissaa qulakkeerneqarluni.

10. Puilasut kuuillu annikinnerusut akimorlugit aqqusineq pilersinneqassappat qulakkeerneqassaaq, kuunnerit eqqaani masarsoqarfinnut annikinnerpaamik sunniinissaat.

11. Aqqusinerup pilersitsinerup kulturikkut oqaluttuarisaanermi nassaat sunnerneqarsinnaanerit pinngitsoortinniarlugu "Heritage impact assessment of the nature road between Sisimiut and Kangerlussuaq"-imi nalunaarusiami innersuussutit malinneqassapput.

Atortussianik nunanngortitsineq

12. Aqqusinerup sanaartornerup atortussianik nunanngortitat inissiiviilluunniit imeqarfiup killeqarfiata iluani inissinneqassanngillat.

13. Aqquserngup nunataata avataani atortussianik nunanngortitsigallarnermi saanngut, issoq naanerillu sapinngisamik paariinnarneqassapput imaluuniit ima suliarineqarlutik inissikkallarneqarlutilluunniit, nunataq pilerseqqinneqarsinnaassalluni (takuuk piumasaqaatit 30-33).

14. Qaartiterinermi ujaqqat qaartiternerlukut aqqusineq sinerlugu qanittumullu nunatanut toqqakkanut inissikkallarneqassapput avatangiisinullu tulluarsarneqarlutik aammalu erngup imerneqarsinnaasup tasiata minnerpaamik 300 meter ungasissusilimmi inissinneqassallutik.

Sanaartornerup nalaani angallanneq

15. Imeqarfiup killeqarfiata iluani aqquserngup ingerlaarfiani taamaallaat ingerlasoqarsinnaavoq sulisoqarsinnaallunilu aqqusinermillu pilersitsineq (ATV-nut aqqummik aqqusinermillu sioraasumik) iluatsiffiusumik pissaaq.

16. Maskiinanik oqimaatsunik ingerlaneq taamaallaat sulinermut aqqusinermi inissiivinnilu pissaaq.

Sanaartornerup ingerlanerani kemikalianik, uuliakunik eqqakkanik imermillu errortuutikumik suliaqarneq

17. Illulerinermi, iggavimmi, perusuersartarfinni, errorsinermi il.il. atukkat tamarmik avatangiisinut ajoqutaassanngillat avatangiisinullu mianerinninnermut allagartaqassallutik (EU Blomsten, Svanemærket assigisaalluunniit). Suliat piumasaqaammik tassannga malitseqartut taamaallaat imeqarfiup killeqarfiata avataani pinnaapput.

18. Nerisassiornermit, errorsinermit, uffarnermit kuuffissuarniillu imeq errortuutikoq katersorneqassaaq kommunillu eqqagassalerinermut maleruqqusaanut atuuttumut naapertuuttumik iginneqarluni. Suliat piumasaqaammik tassannga malitseqartut aallaavittut taamaallaat imeqarfiup killeqarfiata avataani pinnaapput. Taamaattorli sanaartornermik suliaqarnermi suleqataasunik passussinissamat imeqarfiup killeqarfiata iluani perusuersartarfinnik angallattakkanik inissiisoqarsinnaavoq. Taamaattoqassappat ilaatigut avatangiisinut pilersaarummi ilanngunneqassapput, takuuk uani akuersissummi piumasaqaat 1 d): Imermik errortuutikumik igitsinissamat allaaserinninneq akuttussuserlu, illersorsinaasumik inissiineq, paarnaaqqatitsineq, allagartarsualiineq il.il.

19. Eqqagassat imerpalanngitsut uuliakullu tamarmik piumasaqaatini 20-29-mi allaqqasut malillugit suliarineqassapput.

20. Sanaartornermi maskiinat il.il. aallaavittut imeqarfiup killeqarfiata iluani inissinneqassanngillat aamma/imaluunniit orsussamik, uulianik kemikalianilluunniit orserneqassanngillat. Taamaattorli Imeqarfiup tasianit 5-imit aqutissiap kingorna *Sisimiuni imeqarfiup killeqarfia aqqusaarlugu aqqusinermik pilersitsinermut ingerlatsinermullu immikkut akuersissummi* piumasaqaatini 13 aamma 14 naapertuuttumik orsiinissamik siunertaqarluni sanaartornermut maskiinanut taamattunut apuunnissaannut orsussaasiviit CE-mik ilisarnaatilinni orsussat assartorneqarsinnaapput. Soorluttaaq Imeqarfiup tasianiit 5-imit aqutissiap kingornatigut imeqarfiup killeqarfiani sanaartornermi maskiinat inissinneqarsinnaasut. Pisunut marluusunut maleqqissaagassatut atuupput, uani akuersissummi avatangiisinut pilersaarummi takuuk piumasaqaat 1 d) aamma 1 e) minnerpaamik kuuttoorsinnaanerit qanoq pinngitsoortinneqarnissaannut periusissamik allaaserinninneq ilanngullugu avatangiisinut isumannaallisaanermilu illersorsinnaasumik orsiineq inissiinerlu qanoq pinnaanera allanneqassalluni.

21. Orsussanut orsiisarnermut atortulersuutit marloqiusamik iigartaqassapput. Orsersornissamat atortulersuut orsersornermut tankip annerpaap imarisinnaasaanut naammattumik kuserfissalerlugu

pitarneqarsinnaanngitsumilluunniit katersuuffissalerlugu inissinneqarsinnaanera periarfissaavoq. Orsersornermut atortulersuut toqqavimmi narlortumi panertumilu inissinneqassaaq biiliniillu aporneqarsinnaanissaanut isumannaarneqarsimassalluni. Orsersornermut atortulersuut nammineq matusarnissaanut atortulersuuteqassaaq ulikkaartoornissanullu kalerrisaaruteqassalluni. Orsersornermut atortulersuut imeqarfiup killeqarfiata iluani pilersinneqassaaqsaanngilaq.

22. Imerpalasut, akuutissat avatangiisinut navianartunik akullit, assersuutigalugu arrortikkuminaatsunik, akuutissanik, ikuallajasunik, qaartartunik qinngornernilluunniit ulorianartunik akullit katersorneqassapput imikoornermullu ilanngullugit kuutsinneqassanatik. Imerpalasut taamaattut eqqagassatut navianaatilittut suliarineqassapput kuserfusinnaasumi katersuivimmi pitarneqarsinnaanngitsumik qalikkami katersuiviulluunniit annerpaap minnerpaamik imarisaanut naammattumik katersuivimmik imaqqortussusilimmik pitarneqarsinnaanngitsumi paarineqarlutik. Katersuiviit biilinit aporneqarsinaaneritut isumannaarneqarsimassapput. Katersuiviit kommunip eqqagassalerinermut maleruaqqusaanut atuuttumut naapertuuttumik iginneqartassapput. Katersuiviit imerpalasunik piumasaqaammi matumani allaaserineqartunik imallit imeqarfiup killeqarfiata iluani paarineqassaaqsaanngillat.

23. Kuunnut, tatsini imaaniluunniit ilanngullugu nunatami eqqagassat ikuallaqqusaanngillat, assateqqusaanngillat, iginneqassaaqsaanngillat siammarteqqusaanatillu. Eqqagassat suulluunniit katersorneqassapput kommunillu eqqagassalerinermut maleruaqqusai ilanngullugit malittarisassat atuuttunut naapertuuttumik iginneqarlutik.

24. Nerisakut katersuivinni matulinni (assersuutigalugu eqqagassanut katersuiviit nannunut teriannissanullu isumannaallisakkat) niuviukkanut-/uumasunut isumannaallisakkani paarineqassapput aammalu kommunip eqqagassalerinermut maleruaqqusai ilanngullugit malittarisassanut atuuttuusunut naapertuuttumik iginneqarlutik.

25. Eqqagassat uuliartallit uuliamilluunniit akullit kuserfusinnaasumi katersuivimmi pitarneqarsinnaanngitsumik qalikkami katersuiviulluunniit annerpaap minnerpaamik imarisaanut naammattumik katersuivimmik imaqqortussusilimmik pitarneqarsinnaanngitsumi paarineqarlutik. Katersuiviit biilinit aporneqarsinaaneritut isumannaarneqarsimassapput. Sanaartornerup ingerlarnera naammassitinnagu kommunip eqqagassalerinermut maleruaqqusaanut atuuttumut naapertuuttumik eqqagassat iginneqassapput. Imeqarfiup killeqarfiata iluani suliaqarnermi ullut tamaasa (tassa imaappoq kingusinnerpaamik ullup suliffiusup naaneranut atatillugu) iginneqartassapput.

26. Qisuit pappialiillu paarineqartassapput kommunillu tigooraavianut assartorneqarlutik.

27. Eqqakkat avatangiisinut navianartut assersuutigalugu arrortikkuminaatsunik, akuutissanik, ikuallajasunik, qaartartunik qinngornernilluunniit ulorianartunik akullit kommunip eqqagassanut maleruaqqusaanut atuuttuusumut naapertuuttumik iginneqartassapput. Eqqakkanik paarinninnermi assartuinnermilu katersuivinni matulinni matoqqasuni paarineqartassapput. Imeqarfiup killeqarfiata iluani suliaqarnermi ullut tamaasa (tassa imaappoq kingusinnerpaamik ullup suliffiusup naaneranut atatillugu) iginneqartassapput.

28. Sanaartornerup naammassinnginnerani atortussat orsussaasiviilu imaqqanngitsut ilanngullugit atortussat ikuallanneqarsinnaanngitsut kommunip eqqagassalerinermut maleruaqqusaanut atuuttuusumut naapertuuttumik iginneqartassapput. Imeqarfiup killeqarfiata iluani suliaqarnermi ullut tamaasa (tassa imaappoq kingusinnerpaamik ullup suliffiusup naaneranut atatillugu) iginneqartassapput.

29. Sanaartorneq naammassineqartinnagu nuna mingutsinneqarsimasoq kommunip eqqagassalerinermut maleruaqqusaa ilanngullugu malittarisassanut atuuttuusunut naapertuuttumik eqqagassatut navianaatilittut katersorneqassapput suliarineqarlutillu iginneqarlutik. Imeqarfiup killeqarfiata iluani kuuttoornermi nuna mingutserneqarsimasoq erngertumik sapuneqassaaq, assallugu piiarlugu ullullu suliffiusup naannginnerani iginneqarluni. Ilutigitillugu uppersarneqassaaq kuuttoorneq peerneqarsimasoq taamaalilluni mingutsitsinermit sinnerussimasuusinnaasunik siammarterinissamut navianartoqarani.

Aqqusinermi atortulersuutinik pilersitseqqikkallarnej

30. Sanaartorluni sulinerup naanerata kingorna aqquserngup ingerlaarfiata avataani nunanngorteqqikkallakkanut aqqusiniugallartut pilerseqqinneqassapput.

31. Pilersitsinerup ingerlanerani saanngut/issoq/naanerit inissiivinniitinneqartut aqqusinermi nunaminertaagallartuni inisseqqinneqassapput/naateqqinneqassapput sorlai asseqqasunngorlugit taamaalillutik naajartoqqissinnaaniassammata. Pilersitseqqiinermi qulakkeerneqassaaq, kuussinerusinnaasut ulikkaarnissaat, aammalu naajartorfimmik assigiinnngiiaartoqarluni "naanerit nutaat" killingusaat, sivinganerit, ujaqqanik sioqqanik angisuunik mikisunillu ataatsimoortoqarluni il.il. eqqaani pinngortitap nunap qaavata ilusaanut assingulluni, taamaalilluni avatangiiserisanut pinngortitamilu nunaminertanut nalinginnaasumik ikaarsaarsinnaallutik. Naggorissaasoqaranilu siammartereqqittoqassanngilaq. Pilersitseqqiinerup ingerlanerani naanermi pioreersumik nunaminertani eqqaaniittuni angalasoqassanngilaq. Pilersitseqqeereernerup kingorna nunaminertani pilerseqqitani angalasoqassanngilaq.

32. Sulinermi aqqusiniugallartut ataani ingerlaarfiusinnaasut peerneqassapput, taamaalilluni ingerlaarfimmi erngup nalinginnaasumik kuunna ingerlaneralu pilerseqqinneqarluni.

33. Inaarutaasumik sulinerit assilillugit uppersaatilerneqassapput uppersaallu Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmut naassiunneqassaaq.”

”4.2 Ingerlatsinermit piunasaqaatit

Nalinginnaasumk piunasaqaatit

34. Pilersaarusiortiusumi eqqaanilu qamutininik motoorilinnik angallanneq nunaannarmi qamutininik motoorilinnik angalanermut kommunip maleruaqqusaa aammalu *Sisimiuni imeqarfiup killeqarfiatigut aqqusinermik pilersitsinermit ingerlatsinermullu immikkut akuersissut* (takuuk ASN-imik akuersissummi uani imm. 1.4.2) malinneqassapput.

35. Imeqarfiup killeqarfiata iluani eqqagassanik kemikalianik, uuliakunik aamma/imaluunniit akuutissanik avatangiisinut ajoqutaasinnaasunik qimatseqqusaanngilaq, uninngaatisoqassanngilaq assartuusseqqusaananilu. Taamaattorli *Sisimiuni imeqarfiup killeqarfiatigut aqqusinermik pilersitsinermit ingerlatsinermullu immikkut akuersissummi piunasaqaammi* 14-imi innersussummik naapertuuttumik nammineq atugassamik orsussamik assartuusisooqarsinnaavoq (toqqortaqarani). Imeqarfiup killeqarfiata iluani Alanngorsuarmi sangusaartarfimmut biilinut inissiisarfittut ilusilersukkamut biilininik inissiisooqarsinnaavoq.

36. Alanngorsuarmi sangusaartarfimmut attuumassulimmik biilinit inissiisarfimmi kiisalu kitaanit (Sisimiut) kangiatungaaniillu (Kangerlussuaq) tassunga tikinnermi imeqarfiup killeqarfianit appakaaffissamut killeqarfianullu nalunaartumik aqputaani allagartarsualiisoqassaaq. Allagartarsuarmi ersarissumik allassimassaaq:

- Taamaallaat aqqusinikkut ingerlasoqarsinnaasoq
- Erngup imerneqarsinnaasup tasia aqqusaarlugu Alanngorsuarmi sangusaartarfimmi aqquserngup aqqusaarfiata tungaanut imeqarfiup killeqarfiani (Sisimiuniit isigalugu) appakaaffissaminngaannit imeqarfiup killeqarfiaata iluani akunnermut 25 km sukkanerpaamik ingerlasoqarsinnaasoq.

Eqqakkanut, kemikalianut, uuliakunut orsussanullu tunngatillugu suut unioqqutitsinerunnginnersut unioqqutitsinerunersullu (takuuk piumasaqaat 35).

- Ajutoortoqarnerani/kuuttoortoqarnera assinganilluunniit takunninnermi Qeqqata Kommunanut/upalungaarsimanermik oqartussanut attavigineqarsinnaasoq oqarasuaatip normua (ulloq unnuarlu ammasoq). Allagartarsuit Qeqqata Kommunanit aserfallatsaaliineqassapput

37. Erngup imerneqarsinnaasup tasia sinerlugu aqquserngup ingerlaarfiani ingammik atuupput:

- Aqqusineq (takuuk piumasaqaatit 2c aamma 3c) marlunnik ingerlaarfissalerlugu uani pilersinneqarsinnaassanngippat angallannermi malittarisassanik pilersitsisoqassasoq.
- Piumasaqaammi 36-mi takuneqarsinnaasutut minnerpaamik assinganik paasisutissartalerlugu ersarissunik allannilimmik erngup imerneqarsinnaasup tasitaata qaninnerpaaffiani aqquserngup isuinik allagartanik ikkussisoqassasoq.
- Kommuni ullut tamaasa nakkutilliisassasoq killiffinnillu nalunaarsuilluni. Akuersissummi uani takuuk piumasaqaat 43 b) upalungaarsiamnermi pilersaartummit naammissinninnerup ilaatut, nakkutilliineq qanoq naammasineqassanersoq kommuni allagaqassaaq.

Qeqqata Kommunia angallannermi malittarisassanik allagartarsuarnillu aserfallatsaaliisuussaaq.

38. Aqquserngup ataani kuuffiusinnaasut akulikitsumik aserfallatsaaliineqartassapput, taamaalillutik kinneqartinneqaratik atortunillu uumassusilinnik peqaratik aammalu atuuffiat sukkulluunniit paariinneqarluni.

39. Erngup imerneqarsinnaasup tasiani qaqqajunnaq ujaqqanik qaqqajunnaminngaanniillu nakkaasinnaasunut isumannaarneqassaaq.

40. Aqqusineramik siunissami aserfallatsaaliinissamut atorneqartussatut pilersaarutaasunik aqqusinermi atortussianik immikkoortunut Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfimmut uppernarsaammik nassiussisoqassaaq. Uppernarsaat nunanngortitamut sinneruttumut piffissallu qanoq sivisutiginnissaanut naatsorsuutigisamik kiisalu atuererunerup kingorna immikkoortumik pilersitseqqiinissamut pilersaarummik imaqassaaq. Atuererunerup kingorna piumasaqaatini 30-33 allassimasutut piumasaqaataasut malillugit immikkoortoq pilersitseqqinneqassaaq.

41. Qeqqata Kommuniata unioqqutitsilluni angalasimaneq ilanngullugu immikkoortumi angalaneq pillugu nakkutilliinermik ingerlaneqartumik minnerpaamik ukiumut ataasiarluni Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik nalunaarusiamik

tigusaqartassaaq. Nalunaarutiginninnerup ilaatut erngup imerneqarsinnaasup tasiata qaninerpaaffiani aqquserngup ingerlaarfianik kommunip nakkutilliisimaneranit ullormut nalunaarsuutit Naalakkersuisoqarfiup apeqquaqaatigisinnaavai."

"Ingerlatsinerup ingerlaneranut upalungaarsimanermut pilersaarut

42. Ajutoortoqarsinnaanerata/kuuttoortoqarsinnaanerata kingorna suliaqarsinnaasunik torersaasinnaasunillu Sisimiuni upalungaarsimasunik kommuni sanarfissaaq.

43. Aqqusinermik ingerlatsineq aallartinneqartinnagu, Qeqqata Kommunua upalungaarsimanermut pilersaarummik suliaqassaaq, tassani minnerpaamik allassimassallutik:

a) Ajutoornermut kuuttoornermullu atatillugu mingutsitsinermik pinngitsoortitsinissamut killilersimaarinissamullu aallartinneqartussat paarinninnissamut tunngasut malittarisassanullu tunngasut ilanngullugit akuutissanik (uuliakunik il.il.) avatangiisinut ajoqutaasinnasunik kuuttoornermut pissutsinut malittarisassat.

b) Sila pissutaalluni aqqusinermik matusigallarsinnaaneq ilanngullugu erngup imerneqarsinnaasup tasiata qaninneraani aqquserngup ingerlaarfiani ajutoorsinnaanermit kuuttoorsinnaaneremullu pissutsinut malitassarpiat.

c) Erngup imerneqarsinnaasumik ingerlaartumik matusinermik qulakkeerineq pisoqarneranilu tatsimut sillimmataasumut attavilerneq ilanngullugu nakkutilliisuunermit pilersaarutit qisuariarnissamullu piffissat.

d) Atortunik inissiineq ilanngullugu atortunik inuttanillu atugassiineq.

Qeqqata Kommuniata suliaqartut attuumassuteqartut (assersuutigalugu Nukissiorfiit il.il.) upalungaarsimanermik pilersaarummi suliaqarnerup ingerlanerani akuutissavai. Aqqusinermik ingerlatsilinnginneq qaammatinik pingasunik sioqqutsisumik upalungaarsimanermut pilersaarut Nunalinerinermit, Imminut Pilersornermit, Nukissiutinut Avatangiisinullu Naalakkersuisoqarfimmi akuerisassanngorlugu nassiunneqassaaq.

"Ingerlatsinermit kemikalianik, uuliakunik, eqqagassanik imermik errortuutikumik suliaqarneq

44. Imeq errortuutikoq imeqarfiup killeqarfiata iluanut kuutseqqusaanngilaq.

45. Sangusaartarfimmi Alanngorsuarmut atuumassutilimmik biilnut inissiisarfirmminngaanniit eqqakkat kommunip eqqagassalerinermit maleruqqusaa atuuttumut naapertuuttumik eqqarneqassapput.

46. Sangusaartarfimmi Alanngorsuarmut attuumassutilimmik, ASN-imik akuersissummi matumani piunasaqaataasut aamma *Sisimiuni imeqarfiup killeqarfia aqqusaarlugu aqqusinermit pilersitsinermit ingerlatsineremullu immikkut akuersissummi piunasaqaataasut apeqquaatinnagit*, Sisimiut eqqaanni imeqarfiup killeqarfilerneqarneranut immikkut ittumik maleruagassat pillugit *Namminersorlutik Oqartussat nalunaarutaat nr. 9, 30 april 2015-imeersumi § 6 imm. 4-5-mik malinnittumik orsussanik assartuisoqarlunilu paarinnittoqarsinnaavoq.*

47. Nunamik mingutsitsinerusinnaasut erngertumik sapuneqassapput, assallugu piiarlugu kommunillu eqqagassalerinermit maleruqqusai ilanngullugit malittarisassat atuuttunut naapertuuttumik iginneqarlutik. Ilutigalugu uppersarsarneqassaaq, nuna mingutsinneqarsimasoq

piiarneqarsimasoq, taamaalilluni mingutsitsisimanerup sinnerisinnaasaanik siammarterinissamut navianartoqarani.

48. Erngup imerneqarsinnaasup tasiata qaninnerpaamik ingerlasup aqquserngup ingerlaarfiani ingerlatsinerup ingerlanerani aputaajaasarnermut pilersaarummik erngup imerneqarsinnaasup tasianik akuutissanik avatangiisinut ulorianarsinnaasunik akuneqannginnissaanik qulakkeerinnittumik Qeqqata Kommunia suliaqassaaq. Pilersaarut minnerpaamik ukuningga imaqassaaq:

- Apummik katersuuffigisartakkap inissisimaffia.
- Aputip aattornerani pisunik suliaqartarneq ilanngullugu erngup imerneqarsinnaasumut qaqqajunnap eqqaani kuussinermut katersuuffigisarsakkami apuutaajaasarneq.
- Aqquserngup atortulersuutaasa (qattuninngortitat, aqquserngup sivinganera kuuffiillu katersuuffiusut ilanngullugit) qanoq atuussinnaassusaasa paariinnarneqarnissaannik allaaserinnineq aputaajaanerullu malitsigisaanik ajoqusiisinaanermut sunniutaasinnaasunik qulakkeerinnineq. Aqqusinnermik ingerlatsinerup aallartinnginnerani kingusinnerpaamik qaammatit pingasut sioqqullugit pilersaarut Nunalerinermut, Imminut Pilersornermut, Nukissiutinut Avatangiisinullu Naalackersuisoqarfimmut nassiunneqassaaq.

4.3 Matusinissamut piunasaqaatit

49. Aqquserngup ingerlanneqarnera taamaatinneqassappat, aqquserngup atorunnaarsinneqarnissaa kingusinnerpaamik ukiumik ataatsimik sioqqullugu Qeqqata Kommunia aqqusinnermik piiaanissamut nunaminertamillu pilersitseqqiinissamut, taamaalilluni qanoq issusigeqqaataanut utertinneqarsinnaaniassammat pilersaarusiussaaq. Matusinissamut pilersaarut nunaminertat eqqorneqartut qanoq qimanneqarnissaanik aammalu matusinermut atatillugu matusinerullu kingorna pinngortitaq avatangiisillu qanoq qulakkeerneqarnissaanut allaaserinnissaaq. Matusinissamik sulinerup aallartinneqannginnerani matusinissamut pilersaarut Nunalerinermut, Imminut Pilersornermut, Nukissiutinut Avatangiisinullu Naalackersuisoqarfimmit akuersissutigineqassaaq.

4. *Maniitsumi imeqarfiup killeqarfiani qamussuarnik ingerlasinnaanermut immikkut akuersissut 2016-imi februaarip 26-anneersoq*

Piunasaqaatit

1. Immikkut akuersissut Qeqqata Kommunianut tunniunneqarpoq. Imeqarfiup killeqarfiaata iluani qamussuarnik ingerlanermut kiisalu ajutooratarsinnaanernut atatillugu sulianut tamanut kommuni tamakkiisumik akisussaasuvoq akisussaaffillu taanna allanut tunniunneqarsinnaanngilaq. Inunnut ataasiakkaanut namminneq qamuteralamminnik sangusaartarfimmut ingerlasunut, immikkut akuerissummut matumunnga piunasaqaatit pillugit pineqartut paasitinneqarsimanissaa kommunip qulakkiissavaat.
2. Ilanngussami 1-imi 2-milu illinerni nalunaaqutsikkani qamussuarnik qamuterallannillu angallannerit tamarmik ingerlasassapput.
3. Qeqqata Kommunia nalinginnaasumik nakkutilliisussaataitavoq. Immikkut akuersissummi piunasaqaatit malinneqarnissaannik Namminersorlutik Oqartussani Avatangiisinut immikkoortortaarfik nakkutilliisuussaaq.

4. Sikumi ingerlanerit taamaallat sikup silissusaata 70 cm sinnersimappagu pisinnaavoq aammalu pissutsit allat pisinnaatippassuk.
5. Tatsini aqputini sikup silissusaanik kommuni uuttortaasassaaq. Imeqarfiup tasiani 2-mi sumiiffimmi ataatsimi imeqarfiup tasiani 1-imi sumiiffinni marlunni Annersuarmilu sumiiffimmi ataatsimi uuttortaasoqartassaaq. Kommunip sikumi qamussuarnik ingerlasoqartoq tulluartutut nalilerpagu, aattorfiup piffissaata akornuserneqareernerata kingorna angallannerit aallarteqqinneqarpata immikkoortuni taakkunani sikup issussusaa uuttortaqqinneqassaaq.
6. Uuttortaanerit tamarmik journalinut allaattorneqassapput sumi tigooraanernik nunap assinganik imaqartuusumik. Kommunip journali minnerpaamik ukiuni tallimani toqqortaaticissavaa.
7. Qamussuarnik angalanermut atatillugu mingutsitsisinnaanerit pingitsoortinneqarnissaannut pisarialimmik upalungaarsimanerit kommunip qulakkiissavai.
8. Imeqarfiup killeqarfiata iluani qamussuit atorneqartut hydraulik uulianik uumassusilinnik suujunnaarsitsisartunik ingerlateqassapput.
9. Uuliakumik kemikaliamilluunniit kuuttoornerit suulluunniit tamarmik nunaminertamit erngertumik peerneqassapput ajutoornerlu erngertumik Namminersorlutik Oqartussani Avatangiisinut immikkoortortamut, Kalaalit Nunaanni Uumasut Nakorsa qarfia Inuussutissalerinermullu Oqartussaaffimmut, Nukissiorfinnut Sisimiunilu Nukissiorfinni ingerlatsinerimut pisortamut nalunaarusiorneqassapput.
10. Imeq imerneqarsinnaasumut pilersuinerulluunniit isumannaatsuunissaanut sunniutilimmik pisunik tamani Qeqqata Kommunua nammineq suliniuteqarnermigut pinngitsoortitsinissamut suliutinik pisariaqartunik isumaginnissaaq pisullu kinguninngua Naalakkersuisoqarfimmi Kalaallit Nunaanni Uumasunut Nakorsa qarfik Inuussutissalerinermullu Oqartussaaffik, Nukissiorfiit aamma Sisimiuni Nukissiorfinni ingerlatsinerimut pisortamut nalunaaruteqassaaq.
11. Imeqarfiup killeqarfiani sivikitsumik qamussuit qamuteralaaullu inissikkallarneqarfigisaanni, inissiineq tatsinit kuunnillu minnerpaamik 100 meterimik ungasissusilimmi pissaaq. Inissiineq nunami narlorissumi kuummut tatsimulluunniit qaninnerpaamut toqqaannartumik sivinganeqanngitsumi pissaaq.